



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

25.05.2020թ.

## Ո Ր Ո Շ ՈՒ Մ

### ՀՀ գնումների հետ կապված բողոքներ քննող անձի թիվ ՍՑ-ՆԳ-2020/106

Հայաստանի Հանրապետության գնումների հետ կապված բողոքներ քննող անձը՝ ի դեմս Գրիգոր Ներսիսյանի, ուսումնասիրելով Հայաստանի Հանրապետության ֆինանսների նախարարության՝ 12.05.2020թ. թիվ 26/26-1/6082-2020 գրությամբ «Բիզնես Էլիտա» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգով ներկայացված հիմքերը, պարզեց հետևյալը.

#### **1. ՀՀ ֆինանսների նախարարության ներկայացրած փաստերը և պահանջը.**

ՀՀ ֆինանսների նախարարությունը, ՀՀ աշխատանքի և սոցիալական հարցերի նախարարության՝ 20.04.2020թ. թիվ ՍՍ//12511-2020 գրության հիման վրա, 12.05.2020թ. թիվ 26/26-1/6082-2020 գրությամբ նախաձեռնել է «Բիզնես Էլիտա» ՍՊԸ-ին (հետայսու նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

#### **2. «Բիզնես Էլիտա» ՍՊԸ-ի ներկայացրած փաստարկներն և դիրքորոշումը.**

«Բիզնես Էլիտա» ՍՊԸ-ն 21.05.2020թ. Գնումների հետ կապված բողոքներ քննող անձին ուղղված գրությամբ հայտնել է, որ ՀՀ աշխատանքի և սոցիալական հարցերի նախարարության պահանջը «Բիզնես Էլիտա» ՍՊ Ընկերությանը գնումների գործընթացին

մասնակցելու իրավունք չունեցող մասնակիցների ցուցակում ներառելու վերաբերյալ հիմնավորված չէ:

Ընկերությունը հայտնել է, որ ՀՀ աշխատանքի և սոցիալական հարցերի նախարարության ենթակայությանը հանձնված կազմակերպությունների կարիքների համար՝ մասնագիտական ուսուցման ծառայությունների մատուցման նպատակով հայտարարվել է ԱԱՀՆ-ԳՀԾՁԲ-20/20 ծածկագրով գնանշման հարցման ընթացակարգ (հետայսու նաև՝ Ընթացակարգ), որին, ի թիվս այլ ընկերությունների, մասնակցության հայտ է ներկայացրել նաև «Բիզնես Էլիտա» ՍՊԸ-ն՝ դիմելով 2 ,4, 7 ,8, 14, 19, 20, 21 ,25, 27, 28 չափաբաժինների մասով: Հաղթող է ճանաչվել 7-րդ չափաբաժնի մասով:

Ընկերությունը հայտնել է, որ Ընթացակարգի գնահատող հանձնաժողովի կողմից սահմանվել է, որ 15 աշխատանքային օրվա ընթացքում ներկայացնել ՀՀ կրթության, մշակույթի և սպորտի նախարարության կողմից տրամադրվող «Կարող» մասնագիտությամբ ուսուցման ծրագրի երաշխավորությունը՝ որպես լրացուցիչ կրթության մոդուլային ծրագիր:

Համաձայն ընթացակարգի հրավերի մաս 3-ի ՀՀ կառավարության 17.04.2014թ-ի N 534-Ն որոշման հավելված 11-ի 7, 7.1 և 7.2 կետերով սահմանված պահանջներին համապատասխան՝ մասնագիտական ուսուցման ծառայությունների ձեռքբերման նպատակով կազմակերպված գնման ընթացակարգի հրավերով սահմանվում է, որ բոլոր մասնակիցները հայտով ներկայացնում են նաև մոդուլային ծրագրի նախագիծ, իսկ այն մասնակիցները, որոնք արդեն իսկ ունեն ՀՀ կառավարության 2015թ սեպտեմբերի 10-ի «Լրացուցիչ կրթական ծրագրերի կազմակերպման և իրականացման կարգը սահմանելու մասին» N 1062-Ն որոշմամբ հաստատված կարգի 15-րդ կետի համաձայն երաշխավորված՝ մասնագիտական ուսուցման տվյալ դասընթացն ապահովող մոդուլային ծրագիր՝ ներկայացնում են այդ ծրագիրը և ՀՀ կրթության պետական կառավարման լիազորված մարմնի կողմից դրա վերաբերյալ տված երաշխավորագիրը:

Ընկերությունը հայտնել է, որ Ընթացակարգի արդյունքները պարզ լինելուց անմիջապես հետո 20.03.2020թ-ին ուսուցման մոդուլային ծրագիրը «Բիզնես Էլիտա» ՍՊԸ-ի կողմից համապատասխան գրությամբ ուղարկվել է ՀՀ ԿԳՄՍ՝ «Գործազուրկների, աշխատանքից ազատման ռիսկ ունեցող, ինչպես նաև ազատազրկման ձևով պատիժ կրելու ավարտին վեց ամիս մնացած աշխատանք փնտրող անձանց մասնագիտական ուսուցման ծրագրի շրջանակներում «Կարող» մասնագիտությամբ զբաղմունքի ուսուցման

լրացուցիչ կրթության մոդուլային ծրագիրը, ըստ «Լրացուցիչ կրթական ծրագրերի կազմակերպման և իրականացման կարգի» ՀՀ կառավարության 10.09.2015թ. թիվ 1062-Ն որոշման 15-րդ մասի, մասնագիտական եզրակացություն և երաշխավորություն ստանալու նպատակով:

Ընկերությունը հայտնել է, որ ի պատասխան վերը նշված գրության՝ ՀՀ ԿԳՄՍ նախարարի կողմից 10.04.2020թ. որոշում է կայացվել «Բիզնես Էլիտա» ՍՊԸ-ի կողմից ներկայացված մասնագիտական ծրագիրն երաշխավորել՝ որպես լրացուցիչ կրթության մոդուլային ծրագիր մինչև 2023 թվականը:

Ընկերությունը հայտնել է, որ տեխնիկական խնդիրների և երկրում հայտարարված արտակարգ դրության ռեժիմում աշխատող ՀՀ ԿԳՄՍ նախարարության գերծանրաբեռնվածության հետևանքով /այսպիսի բացատրություն տվել են նախարարության աշխատակիցները, չնայած ուսուցման ազգային հիմնադրամի հետ պայմանագրի վերջնաժամկետ սահմանված է 07.04.2020թ./ երաշխավորության հրամանը փոխանցվել է «Բիզնես Էլիտա» ՍՊԸ-ին հրամանի ստացման օրվանից ուշ՝ 16.04.2020թ.-ին, այնուհետև անմիջապես 16.04.2020թ.-ին ներկայացվել է գնահատող հանձնաժողովին:

Արդյունքում, Ընթացակարգի գնահատող հանձնաժողովի 17.04.2020թ. տեղի ունեցած նիստի թիվ 2 արձանագրության 4-րդ կետի համաձայն՝ «Բիզնես Էլիտա» ՍՊԸ-ի «ԱԱՀՆ-ԳՀԾՁԲ-20/20» ծածկագրով հայտը մերժվել է հրավերի մաս 3-ով սահմանված՝ ՀՀ ԿԳՄՍ նախարարության կողմից երաշխավորված մոդուլային ծրագիր չներկայացնելու և հրավերով սահմանված ժամկետում անհամապատասխանությունը չջտկելու հիմքով:

Ընկերությունը հայտնել է, որ թերացում կա, սակայն ոչ Ընկերության թերացման պատճառով, այլ՝ ՀՀ ԿԳՄՍ նախարարության ոչ պատասխանատու աշխատանքի, պայմանագրով նախատեսված ժամկետներում իրենց աշխատանքը պատշաճ ու ժամանակին չկատարելու պատճառով:

Ամփոփելով վերոգրյալը, Ընկերությունը խնդրել է մերժել ՀՀ աշխատանքի և սոցիալական հարցերի նախարարության «Բիզնես Էլիտա» ՍՊ Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու վերաբերյալ պահանջը և հնարավորություն տալ Ընկերությանը հետագայում ևս մասնակցելու գնումների գործընթացներին:

Ընկերությունը, պատշաճ ծանուցված լինելով ՍՑ-ՆԳ-2020/106 ընթացակարգի շրջանակներում 25.05.2020թ. ժամը 11:30-ին հրավիրված նիստի վերաբերյալ, չի ապահովել իր ներկայացուցչի մասնակցությունը:

**3. ՀՀ աշխատանքի և սոցիալական հարցերի նախարարության կողմից ներկայացված փաստարկներն և դիրքորոշումը.**

ՀՀ աշխատանքի և սոցիալական հարցերի նախարարությունը (հետայսու նաև՝ Պատվիրատու) ՀՀ ֆինանսների նախարարությանն ուղղված 20.04.2020թ. թիվ ՍՄ//12511-2020 գրությամբ հայտնել է, որ ՀՀ աշխատանքի և սոցիալական հարցերի նախարարության կողմից կազմակերպված ԱՍՀՆ-ԳՀԾՁԲ-20/20 ծածկագրով գնման ընթացակարգի հրավերով, հիմք ընդունելով ՀՀ կառավարության 17.04.2014թ-ի N 534-Ն որոշման հավելված 11-ի 7, 7.1 և 7.2 կետերով սահմանված պահանջները, նախատեսվել է, որ բոլոր մասնակիցները հայտով ներկայացնում են նաև Հայաստանի Հանրապետության կառավարության 2015 թվականի սեպտեմբերի 10-ի «Լրացուցիչ կրթական ծրագրերի կազմակերպման և իրականացման կարգը, ինչպես նաև ոչ ֆորմալ և ինֆորմալ ուսուցման արդյունքների գնահատման և ճանաչման կարգը սահմանելու մասին» N 1062-Ն որոշմամբ հաստատված կարգի 15-րդ կետի համաձայն երաշխավորված՝ մասնագիտական ուսուցման տվյալ դասընթացն ապահովող մոդուլային ծրագիր և Հայաստանի Հանրապետության կրթության պետական կառավարման լիազորված մարմնի կողմից դրա վերաբերյալ տրված երաշխավորագիրը: Ընդ որում, եթե ծրագիրը երաշխավորված է մինչև հայտը ներկայացնելը, ապա երաշխավորագրի գործողության ժամկետը չպետք է պակաս լինի գնման ընթացակարգի արդյունքում կնքվելիք պայմանագրի շրջանակում մատուցվելիք ծառայության վերջնաժամկետից:

Պատվիրատուն հայտնել է, որ հաշվի առնելով վերոնշյալ որոշման պահանջները, հրավերով սահմանվել է նաև, որ գնման ընթացակարգի մասնակցի (մասնակիցների) կողմից երաշխավորված մասնագիտական ուսուցման տվյալ դասընթացն ապահովող մոդուլային ծրագիր չներկայացվելու դեպքում գնման ընթացակարգին ներկայացված գնման հայտերի գնահատումը կասեցվում է 15 աշխատանքային օրով, որի ընթացքում երաշխավորված մոդուլային ծրագրի չներկայացման պարագայում մասնակցի հայտը մերժվում է:

Պատվիրատուն հայտնել է, որ գնման ընթացակարգի շրջանակներում գնման հայտ ներկայացրած 15 մասնակիցներից 6-ը՝ «Գործընկերություն և ուսուցում Քաղաքացիական Հասարակությանը և Կրթությանը Աջակցող» հասարակական կազմակերպությունը, «Դիսպրո Լայն» ՍՊԸ-ն, «ԵՂԻՇԵ ՀՈՎՍԵՓՅԱՆ ԴԵՐԵՆԻԿԻ» ԱԶ-ն, «ԿԱԶԱ» շվեյցարական մարդասիրական» հիմնադրամը, «Արթիկի պետական քոլեջ» ՊՈԱԿ-ը, «ԲԻՉՆԵՍ ԷԼԻՏԱ» ՍՊԸ-ն երաշխավորված մոդուլային ծրագրեր չէին ներկայացրել և գնահատող հանձնաժողովի՝ 19.03.2020 որոշմամբ գնման ընթացակարգի գնահատումը կասեցվել է 15 աշխատանքային օրով՝ մինչև 09.04.2020: Մինևույն ժամանակ վերոնշյալ մասնակիցներին էլեկտրոնային փոստի միջոցով 19.03.2020-ին ուղարկվել են ծանուցումներ, որոնցով առաջարկվել է շտկել արձանագրված անհամապատասխանությունները և հրավերով սահմանված ժամկետում ներկայացնել երաշխավորված մոդուլային ծրագրերը: Սակայն վերոնշյալ մասնակիցներից ոչ մեկի կողմից հրավերով սահմանված ժամկետում շտկում չի ներկայացվել:

Պատվիրատուն հայտնել է, որ հաշվի առնելով վերոգրյալը՝ վերոնշյալ մասնակիցներին «Գնումների գործընթացին մասնակցելու իրավունք չունեցող մասնակիցների» ցուցակում ներառելու նպատակով ներկայացնում է ԱՍՀՆ-ԳՀԾՁԲ-20/20 ծածկագրով գնման ընթացակարգին վերաբերող փաստաթղթերի փաթեթը:

Պատվիրատուն, պատշաճ ծանուցված լինելով ՍՑ-ՆԳ-2020/106 ընթացակարգի շրջանակներում 25.05.2020թ. ժամը 11:30-ին հրավիրված նիստի վերաբերյալ, չի ապահովել իր ներկայացուցչի մասնակցությունը:

#### **4. ՍՑ-ՆԳ-2020/106 ընթացակարգի քննության համար էական նշանակություն ունեցող փաստերը.**

1. ՍՑ-ՆԳ-2020/106 ընթացակարգի քննության համար էական նշանակություն ունեն հետևյալ փաստերը.

2. ՀՀ աշխատանքի և սոցիալական հարցերի նախարարության ենթակայությանը հանձնված կազմակերպությունների կարիքների համար մասնագիտական ուսուցման ծառայությունների ձեռքբերման նպատակով հայտարարվել է ԱՍՀՆ-ԳՀԾՁԲ-20/20 ծածկագրով գնանշման հարցման ընթացակարգ, որի հայտարարությունը և հրավերը

տեղեկագրում ([www.procurement.am](http://www.procurement.am) հասցեով գործող [ինտերնետային կայք](http://www.procurement.am))  
հրապարակվել են **12.03.2020թ.**:

**5. ՀՀ գնումների հետ կապված բողոքներ քննող անձի հիմնավորումները և եզրահանգումը.**

ՀՀ գնումների հետ կապված բողոքներ քննող անձ Գրիգոր Ներսիսյանս, ուսումնասիրելով ՀՀ ֆինանսների նախարարության՝ 12.05.2020թ. թիվ 26/26-1/6082-2020 գրությունը, ՀՀ աշխատանքի և սոցիալական հարցերի նախարարության՝ 20.04.2020թ. թիվ ՍՄ//12511-2020 գրությունը և կից փաստաթղթերը, գործով առկա նյութերը, հայտնում եմ հետևյալը.

«Գնումների մասին» ՀՀ օրենքի (հետայսու նաև՝ Օրենք) 6-րդ հոդվածի 1-ին մասի 6-րդ կետի համաձայն՝ բացառությամբ սույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի, գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Օրենքի 6-րդ հոդվածի 2-րդ մասը սահմանում է, որ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում գնումների հետ կապված բողոքներ քննող մարմնում՝ առանց վճարի: Տվյալ մասնակցի կարծիքը լսելուց հետո գնումների հետ կապված բողոքներ քննող անձը սույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին սույն հոդվածով

նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Օրենքի 2-րդ հոդվածի 1-ին մասի 14-րդ կետը սահմանում է, որ **տեղեկագիրը նույն օրենքով նախատեսված հրատարակման ենթակա տեղեկատվության հրապարակման նպատակով [www.procurement.am](http://www.procurement.am) հասցեով գործող ինտերնետային կայքն է:**

Օրենքի 15-րդ հոդվածի 3-րդ մասի համաձայն՝ **գնումների պլանը**, ներառյալ՝ փոփոխությունները, հաստատվելուն հաջորդող երկու աշխատանքային օրվա ընթացքում **պարզվորպուն հրապարակում է տեղեկագրում**, բացառությամբ պետական գաղտնիք պարունակող գնումների պլանի:

«Կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի (հետայսու նաև՝ Կարգ) 16-րդ կետի համաձայն՝ **գնման գործընթաց սկսելու համար գնման առարկան պետք է ներառված լինի գնումների պլանում: Գնման պահանջի ծագման օրը պետական գաղտնիք չպարունակող գնումների դեպքում հաստատված կամ փոփոխված գնումների պլանի հրապարակման օրն է, իսկ պետական գաղտնիք պարունակող գնումների դեպքում՝ գնումների պլանի հաստատման կամ փոփոխման օրն է:** Եթե տվյալ տարվա ընթացքում գնումների սկզբնական պլանում չներառված, լրացուցիչ գնումը կատարելու համար նախատեսվում են ֆինանսական միջոցներ, ապա գնումների պլանում կատարվում է լրացում:

Կարգի 17-րդ կետը սահմանում է, որ **գնման գործընթացի կազմակերպման հրավական հիմքը սահմանված պահանջներին համապատասխան հաստատված, իսկ Գնումների մասին Հայաստանի Հանրապետության օրենսդրությամբ նախատեսված դեպքերում՝ նաև հրապարակված, գնումների պլանի առկայությունն է:**

Գնումների հետ կապված բողոքներ քննող անձն ուսումնասիրել է Ընթացակարգի շրջանակում ձեռք բերվող գնման առարկաների մասով հաստատված գնումների պլանի վերաբերյալ «Կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 16-րդ կետի համաձայն՝ **գնման գործընթաց սկսելու համար գնման առարկան պետք է ներառված լինի գնումների պլանում: Գնման պահանջի ծագման օրը պետական գաղտնիք չպարունակող գնումների դեպքում հաստատված կամ փոփոխված գնումների պլանի հրապարակման օրն է, իսկ պետական գաղտնիք պարունակող գնումների դեպքում՝ գնումների պլանի հաստատման կամ փոփոխման օրն է:** Եթե տվյալ տարվա ընթացքում գնումների սկզբնական պլանում չներառված, լրացուցիչ գնումը կատարելու համար նախատեսվում են ֆինանսական միջոցներ, ապա գնումների պլանում կատարվում է լրացում:

Գնումների հետ կապված բողոքներ քննող անձն տրամադրված [armeps.am/ppcm](http://armeps.am/ppcm) համակարգից արտահանված փաստաթուղթը, որի ուսումնասիրությունից պարզ է դառնում, որ «Կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 16-րդ կետի համաձայն՝ **գնման գործընթաց սկսելու համար գնման առարկան պետք է ներառված լինի գնումների պլանում: Գնման պահանջի ծագման օրը պետական գաղտնիք չպարունակող գնումների դեպքում հաստատված կամ փոփոխված գնումների պլանի հրապարակման օրն է, իսկ պետական գաղտնիք պարունակող գնումների դեպքում՝ գնումների պլանի հաստատման կամ փոփոխման օրն է:** Եթե տվյալ տարվա ընթացքում գնումների սկզբնական պլանում չներառված, լրացուցիչ գնումը կատարելու համար նախատեսվում են ֆինանսական միջոցներ, ապա գնումների պլանում կատարվում է լրացում:

բերվող մասնագիտական ուսուցման ծառայությունները արտացոլված են [armeps.am/ppcm](http://armeps.am/ppcm) համակարգում:

Միաժամանակ արձանագրում եմ, որ [armeps.am/ppcm](http://armeps.am/ppcm) համակարգից արտահանված փաստաթղթից բացի այլ փաստաթուղթ Պատվիրատուի կողմից չի տրամադրվել, որով կհավաստվեր տեղեկագրում՝ [www.procurement.am](http://www.procurement.am) կայքում, մասնագիտական ուսուցման ծառայությունների մասով հաստատված գնումների պլանի հրապարակած լինելը:

Այսպիսով՝ վերը նշված իրավական կարգավորումների համաձայն՝ գնման գործընթացի կազմակերպման իրավական հիմքը սահմանված պահանջներին համապատասխան հաստատված նաև հրապարակված, գնումների պլանի առկայությունն է, որը օրենքով սահմանված կարգով Պատվիրատուի կողմից հրապարակվում է տեղեկագրում, իսկ տեղեկագիրը սույն օրենքով նախատեսված հրապարակման ենթակա տեղեկատվության հրապարակման նպատակով [www.procurement.am](http://www.procurement.am) հասցեով գործող ինտերնետային կայքն է, մինչդեռ արձանագրում եմ, որ ՀՀ աշխատանքի և սոցիալական հարցերի նախարարության կողմից կազմակերպվել է ԱՍՀՆ-ԳՀԾՁԲ-20/20 ծածկագրով գնանշման հարցման ընթացակարգ՝ առանց իրավական հիմքի, այն է՝ առկա չէ սահմանված պահանջներին համապատասխան հաստատված և [www.procurement.am](http://www.procurement.am) հասցեով գործող ինտերնետային կայքում հրապարակված գնումների պլան: Արդյունքում խախտվել են «Գնումների մասին» ՀՀ օրենքի 15-րդ հոդվածի 3-րդ մասով, ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 16-րդ և 17-րդ կետերով սահմանված պահանջները:

Հաշվի առնելով այն փաստական հանգամանքը, որ Ընթացակարգը կազմակերպվել է վերը նշված իրավակարգավորումների խախտմամբ՝ հետևաբար գտնում եմ, որ իրավական հիմքի բացակայության պայմաններում կազմակերպված ոչ իրավաչափ ընթացակարգից բխող բացասական հետևանքները չեն կարող մեկնաբանվել ի վնաս Ընկերության, ուստի հնարավոր չէ արձանագրել «Բիզնես Էլիտա» ՍՊԸ-ի կողմից Օրենքի 6-րդ հոդվածի 1-ին մասի 6-րդ կետի «ա» ենթակետով նախատեսված պարտավորության խախտման փաստը, ուստիև գտնում եմ, որ վերջինիս գնումների գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:

Քանի որ Գնումների հետ կապված բողոքներ քննող անձը սույն ընթացակարգի շրջանակներում քննության առարկա է դարձրել Պատվիրատուի կողմից տեղեկագրում



գնումների պլանի հրապարակման հարցը, հետևաբար չի անդրադառնում Ընկերության կողմից ներկայացված գրավոր դիրքորոշմանը:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասի 2-րդ կետով՝

## Ո Ր Ո Շ Ե Ց Ի

Հայաստանի Հանրապետության ֆինանսների նախարարության՝ 12.05.2020թ. թիվ 26/26-1/6082-2020 գրությամբ «Բիզնես Էլիտա» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը մերժել:

ՀՀ գնումների հետ կապված բողոքներ քննող անձի որոշումն իրավապարտադիր է և ուժի մեջ է մտնում տեղեկագրում հրապարակվելու հաջորդ օրը:

ՀՀ գնումների հետ կապված բողոքներ քննող անձի որոշումը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**Գնումների հետ կապված  
բողոքներ քննող անձ՝**



**ԳՐԻԳՈՐ ՆԵՐՍԻՍՅԱՆ**